



ДУНДГОВЬ АЙМГИЙН
САЙХАН-ОВОО СУМЫН ЗАСАГ ДАРГЫН
ЗАХИРАМЖ

2023 оны 09 сарын 05 өдөр

Дугаар А/43

Онги

Гамшгаас хамгаалах төлөвлөгөөнд
Тодотгол хийх тухай

Монгол Улсын Засаг захиргаа, нутаг дэвсгэрийн нэгж түүний удирдлагын тухай хуулийн 59 дүгээр зүйлийн 59.1.21, 66 дугаар зүйлийн 66.1 дэх заалт, Гамшгаас хамгаалах тухай хуулийн 22 дугаар зүйлийн 22.3, 32 дугаар зүйлийн 32.1.1, 32.1.2 дахь заалтууд, Монгол Улсын шадар сайдын 2018 оны 75 дугаар тушаалыг тус тус үндэслэн ЗАХИРАМЖЛАХ нь:

1. Гамшгийн аюулаас урьдчилан сэргийлэх, аврах хор уршгийг арилгах, сэргээн босгох зорилгоор сумын гамшгаас хамгаалах төлөвлөгөөнд тодотгол хийж онцгой комиссын бүрэлдэхүүнийг 1 дүгээр хавсралтаар, шуурхай штабын бие бүрэлдэхүүнийг 2 дугаар хавсралтаар, ажиллах журмыг 3 дугаар хавсралтаар тус тус шинэчлэн баталсугай.

2. Болзошгүй гамшиг ослоос урьдчилан сэргийлж аврах, хор уршгийг арилгах ажлыг шуурхай удирдан зохион байгуулж ажиллахыг онцгой комисс, мэргэжлийн анги, штабын бүрэлдэхүүнд үүрэг болгосугай.


3. Энэхүү захирамж гарсантай холбогдуулан 2022 оны 01 дүгээр сарын 12-ний өдрийн А/04 дүгээр захирамжийг хүчингүй болгосугай.

ЗАСАГ ДАРГА



Г.ЛУВСАНРАГВА

Сумын Засаг даргын 2023 оны 09 дүгээр
сарын 05-ны өдрийн А/79 дүгээр
захирамжийн 1 дүгээр хавсралт



Сумын Онцгой комиссын бүрэлдэхүүн

Дарга: Сумын Засаг дарга

Орлогч дарга: Засаг даргын тамгын газрын дарга

Гишүүдэд: ИТХ-ын нарийн бичгийн дарга

Засаг даргын орлогч

Багийн Засаг дарга нар

Санхүүгийн албаны дарга

Нийгмийн бодлогын мэргэжилтэн

Цэцэрлэгийн эрхлэгч

Ерөнхий боловсролын сургуулийн захирал

Эрүүл мэндийн төвийн эрхлэгч

Соёлын төвийн эрхлэгч

Байгаль орчны асуудал хаируцсан мэргэжилтэн

Хөдөө аж ахуйн тасгийн мэргэжилтэн

Эрчим хүчний байцаагч

Хэсгийн мөрдөгч

Цагуурын өртөөний дарга


Мал эмнэлгийн тасгийн улсын байцаагч

Мэдээлэл холбооны газрын Сайхан-Овоо суман дахь салбарын эрхлэгч



Сумын Засаг даргын 2023 оны 09 дүгээр сарын 09-ны өдрийн 1/33 дүгээр захирамжийн 2 дугаар хавсралт

№	Овог нэр	Нас хүйс	Одоогийн албан тушаал	Томилгоот албан тушаал	Гэрийн хаяг	Утасны дугаар
1	С.Болоржаргал	39 эм	ЗДТГазрын дарга	Штабын дарга	Ахар-11-3	80853343
2	О.Дашзэвгэ	24 эм	Архив, бичиг хэргийн эрхлэгч	Штабын нарийн бичгийн дарга	Онги-4-3	89472447
3	Г.Пүрэв	26эр	Онги багийн Засаг дарга	Гишүүд	Сэнжит -6-8	89972545
4	П.Энхсайхан	48 эр	Мааньт багийн Засаг дарга	Гишүүд	Ахар-5-5	88538379
5	Б.Ган-Оргил	29 эр	Найз багийн Засаг дарга	Гишүүд	Морин хөтөл-6-1	88808896
6	Э.Отгонцэцэг	25эм	Хууль эрх зүйн мэргэжилтэн	Гишүүд	Хаданхошуу-2-2	89982545
7	Г.Дэлгэрмаа	27 эм	Хөдөө аж ахуйн тасгийн мэргэжилтэн	Гишүүд	Сэнжит-3-9	86879958
8	Д.Эрдэнэ	59 эр	Нийгмийн бодлогын мэргэжилтэн	Гишүүд	Ахар-11-3	86446691
9	Ц.Саранчимэг	53 эм	Мал эмнэлгийн тасгийн улсын байцаагч	Гишүүд	Сэнжит-6-6	86694555



Сумын онцгой комиссын ажиллах журам

Нэг. Нийтлэг үндэслэл

1.1 Сумын Засаг дарга нь өөрийн харъяа Засаг захиргаа нутаг дэвсгэрийн хүрээнд Гамшгаас хамгаалах тухай хууль, Галын аюулгүй байдлын үзэгдэл, гал түймэр, техникийн холбогдолтой осол, алан хядах ажиллагаа, дэлбэрэлт, химийн хордлогын улмаас хүн ам, мал амьтан хүрээлэн буй орчинд учирч болзошгүй аюулаас урьдчилан сэргийлэх аврах хор уршгийг арилгах, хойшлуулашгүй сэргээн босгох арга хэмжээг зохион байгуулах, орон нутгийн төрийн болон төрийн бус байгууллага, аж ахуй нэгжийн гамшгаас хамгаалах үйл ажиллагааг уялдуулан зохицуулах, хяналт тавихдаа энэхүү журмыг мөрдлөг болгоно.

1.2 Сумын онцгой комисс /цаашид комисс гэх нь/ Гамшгаас хамгаалах тухай хууль, Галын аюулгүй байдлын тухай хууль, бусад хууль тогтоомж, энэ журмыг удирдлага болгон үйл ажиллагаагаа явуулна.

1.3 Сумын Онцгой комиссын бүрэлдэхүүнийг сумын Засаг даргын захирамжаар томилж баталгаажуулна.

1.4 Сумын онцгой комиссын дарга нь сумын онцгой комиссыг удирдлагаар хангах бөгөөд сумын онцгой комиссын бүрэлдэхүүн, ажиллах журмыг тухайн шатны засаг дарга батална.

1.5 Сумын онцгой комиссын үйл ажиллагааг сумын Засаг дарга удирдах бөгөөд орлогч дарга нь сумын Засаг даргын тамгын газрын дарга байна.

1.6 Сум орон нутгийн хэмжээнд гамшгийн нөхцөл байдал үүсч гамшгаас хамгаалах удирдлагын байрыг байгуулах бөгөөд сумын засаг даргын тамгын газрын дарга удирдлагын байрны дарга байна.

1.7 Удирдлагын байрны дарга гамшгийн хор уршгийг арилгах, хойшлуулашгүй сэргээн босгох үйл ажиллагаанд хяналт тавьж, онцгой комиссын хуралдаан явагдах цэгт удирдлагын байрыг байгуулж шаардлагатай тоног төхөөрөмж, холбоо харилцааны хэрэгслээр хангах арга хэмжээг зохион байгуулна.

1.8 Комиссын нэгдсэн хуралдаан нь нийт гишүүдийн 60-аас доошгүй хувийн ирцтэй бол хүчин төгөлдөр болох бөгөөд хэлэлцсэн асуудлыг хуралд оролцсон гишүүдийн олонхын саналаар шийдвэрлэж хурлын тэмдэглэл хөтөлнө.

1.9 Гамшгийн нөхцөл байдал цаг үеийн асуудлаар комиссын шуурхай хуралдааныг мэргэжлийн ангийн бүрэлдэхүүнтэйгээр хуралдаж шаардлагатай арга хэмжээг зохион байгуулна.

1.10 Комиссын дарга нь холбогдох хууль тогтоомжоор хүлээсэн эрх, үүрэг зорилтоо хэрэгжүүлэхтэй холбогдсон асуудлаар захирамж, албан даалгавар, тушаал гаргана.

1.11 Комиссоос гарсан шийдвэрийг орон нутгийн төрийн болон төрийн бус байгууллага, аж ахуй нэгж, албан тушаалтан, иргэд, өмчийн хэлбэр үл харгалзан дагаж мөрдөнө.

1.12 Комиссын хуралдааны товыг зарлан хуралдуулах, гамшгаас хамгаалах хойшлуулашгүй арга хэмжээг комиссын даргатай зөвшилцөн ЗДТГазрын дарга зохион байгуулна.

Хоёр. Сумын онцгой комисс үүрэг

2.1 Сумын Онцгой комисс

2.1.1 Сумын Засаг дарга нь аймгийн Засаг даргын Захирамжийг үндэслэн сумын онцгой комисс /цаашид комисс гэх/-ын байгуулна.

2.1.2 Комиссын дарга нь сумын Засаг дарга, орлогч нь тамгын газрын дарга байна.

2.1.3 Комисс нь нутаг дэвсгэртээ гамшгийн аюулаас урьдчилан сэргийлэх, аврах, хор уршгийг арилгах, хойшлуулашгүй сэргээн босгох арга хэмжээг хэрэгжүүлэх, аймгийн онцгой комиссоос үүрэг даалгаврын биелэлтийг хангах үүрэгтэй.

2.1.4 Сумын онцгой комисс нь үүссэн нөхцөл байдал, гамшгийн аюулаас урьдчилан сэргийлэх, аврах, хор уршгийг арилгах, хойшлуулашгүй сэргээн босгох талаар авч хэрэгжүүлсэн арга хэмжээг хэлэлцэн, шийдвэрийг хүсэлтийн хамт аймгийн онцгой комиист яаралтай ирүүлэх.

2.1.5 Сумын нутаг дэвсгэрт тохиолдсон гамшгийн улмаас учирсан хохирлыг эхний ээлжинд гамшгаас хамгаалах нөөц сангийн хөрөнгөөс зарцуулах, хэрэв дээрхи хөрөнгөөс давсан тохиолдолд аймгийн онцгой комисст сумын засаг даргын гамшгаас хамгаалах нөөц хөрөнгийн зарцуулалт, зарцуулалтын тайланг бичгээр ирүүлсэний дараа аймгийн Засаг даргын нөөц сангаас нэмэлт санхүүжилт гаргуулах хүсэлтээ ирүүлэх.

2.1.6 Комисс нь энэхүү журамд заасан үүргийг биелүүлж, эрхийг эдэлнэ.

Гурав. Комиссын зардал

3.1 Гамшгаас хамгаалах тухай хуулийн 51 дүгээр зүйлийн 51.3 дахь заалт аймгийн болон сумын тухай жилийн төсвийн 1,0 хувийг орон нутгийн гамшгийн эрсдлийг бууруулах санд тусгаж, гамшгаас хамгаалах арга хэмжээнд зарцуулна гэсэн заалтийн дагуу гамшгийн аюулаас урьдчилан сэргийлэх, аврах хор уршгийг арилгах, хойшлуулашгүй сэргээн босгох арга хэмжээг хэрэгжүүлэхтэй холбогдсон хөрөнгө, зардлыг захиран зарцуулна.

Дөрөв. Хохирол тогтоох ажлын хэсэг

4.1 Сумын Онцгой комисс нь гамшгийн улмаас учирсан хохирол тогтоох ажлын хэсэгтэй байна.

4.2 Хохиролын үнэлгээ тогтоох ажлын хэсгийг сумын онцгой комисс томилно.

4.3 Хохирол тогтоох комисс нь гамшгийн улмаас үүссэн нөхцөл байдлыг тогтоож, баримтжуулан үнэлэлт, дүгнэлт гаргах, цаашид хэрэгжүүлэх арга хэмжээг тодорхойлж гамшгийн нөхцөл байдал үүснээс хойш 7 хоногийн дотор хохирлын хэмжээг тогтоосны дараа сумын Онцгой комисст танилцуулна.

4.4 Гамшгийн улмаас учирсан хохирол үйл ажиллагааны зардлыг аймгийн Онцгой комисст танилцуулна

Тав. Комиссын зардал

5.1 Онцгой комисс нь нутаг дэвсгэртээ гамшгийн аюулаас урьдчилан сэргийлэх, эрэн хайх, аврах хор уршгийг арилгах, хойшлуулшгүй сэргээн босгох арга хэмжээг хэрэгжүүлэхэд шаардагдах зардлыг сумын Засаг даргын нөөц хөрөнгөд тусган, зохих журмын дагуу захиран зарцуулна.

Зургаа. Бусад зүйл

6.1 Онцгой комисс нь тухайн жилд гамшгаас урьдчилан сэргийлэх чиглэлээр зохион байгуулах үйл ажиллагааны төлөвлөгөөг Онцгой комиссын даргаар батлуулан хэрэгжүүлж тайланг жил бүрийн 12 дугаар сард аймгийн Онцгой комисст хүргүүлнэ.

6.2 Онцгой комиссын ажиллах журамд орон нутгийн онцлогийг тусгасан нэмэлт заалт тусгаж болно.

6.3 Онцгой комиссоос гаргасан шийдвэрийг хэрэгжүүлээгүй байгууллага аж ахуйн нэгж, албан тушаалтан, иргэнд холбогдох хуулийн дагуу захиргааны шийтгэл ноогдуулах саналаа эрх бүхий байгууллага албан тушаалтанд тавьж шийдвэрлүүлэх ба шаардлагатай тохиолдолд хуулийн байгууллагаар шалгуулж шийдвэрлүүлнэ.